

Lub Cuab Yeej Hluav Taws Xob Microgrid

TUS HAIS ZAJ LUS: Cov cua loj heev muaj peev xwm ua rau cov ceg ntoo thiab cov khoom seem ntawm tej khoom uas raug puas tsuaj mus chwv cov hlua hluav taws xob uas tseem muaj hluav taws xob khiav, ua rau peb qhov khoom siv puas tsuaj thiab chiv ua rau muaj hluav taws kub hav zoov. Txhawm rau pab tiv thaiv kom tsis txhob muaj hluav taws kub hav zoov, peb yuav tsum tau tua hluav taws xob nyob rau lub sij hawm huab cua phem heev. Qhov no hu tau tias yog kev tua hluav taws xob kom muaj kev nyab xeeb rau zej tsoom sawv daws (public safety power shutoff). Peb paub zoo tias txoj kev plam tsis tau siv hluav taws xob yuav tuaj yeem muaj kev tab kaum cuam tshuam rau peb lub neej, vim li ntawd peb thiaj li mloog peb cov neeg siv hluav taws xob hais thiab tshawb nrhiav cov hau kev los txo kom tsis txhob tshwm sim muaj cov xwm txheej ntawm kev tua hluav taws xob kom muaj kev nyab xeeb rau zej tsoom sawv daws, yam tsis muaj kev cuam tshuam rau kev nyab xeeb. Txhawm rau txhim kho tej xwm txheej kev tua hluav taws xob rau cov neeg siv hluav taws xob thiab cov zej zog, peb yuav tau nruab thiab npaj lub cuab yeej faib hluav taws xob thiab qhov chaw txais hluav taws xob microgrid txhawm rau txo cov neeg uas yuav raug kev cuam tshuam los ntawm kev tua hluav taws xob. Lub microgrid yog ib lub twj cuab yeej hluav taws xob ntawm cheeb tsam uas tuaj yeem ua hauj lwm yam ywj pheej los ntawm cov cuab yeej hluav taws xob uas loj dua. Txhawm rau txhawb nqa peb cov neeg siv hluav taws xob, peb thiaj tau npaj cov microgrid nyob rau cheeb tsam uas yuav tshwm sim muaj tej xwm txheej kev tua hluav taws xob kom muaj kev nyab xeeb rau zej tsoom sawv daws. Lub microgrid no, thaum txuag tau cov hluav taws xob lawm, yuav siv lub cuab yeej tsim hluav taws xob ib ncuu sij hawm luv txhawm rau los ceev cov hluav taws xob kom dhia mus rau cov hauj lwm tseem ceeb thiab qee cov zej zog uas muaj kev phom sij txog hluav taws kub hav zoov nyob rau thaum hluav taws xob raug tua lawm. Thaum ua qhov kev txiav txim siab txog cheeb tsam uas yuav tso lub microgrid no, peb yuav saib ob peb yam txuam thawj. Peb yuav saib seb muaj pes tsawg lub cuab yeej hluav taws xob raug txiav nyob rau cheeb tsam uas tau ntsib nyob rau yav tag los. Tsis tas li ntawd, peb kuj tseem ntsuas txog ntawm cov hauj lwm kev nyab xeeb ntawm hluav taws kub hav zoo, xws li kev ua kom lub cuab yeej khov los sis kev faib ua seem yuav tuaj yeem txo tej kev xav tau cov cuab yeej microgrid nyob rau cov cheeb tsam ntawd. Yog peb txiav txim siab tias yuav tsum tau tua hluav taws xob nyob rau thaum uas muaj huab cua phem, cov neeg siv hluav taws xob uas nyob ze ntawm lub microgrid yuav tau txais cov ntaub ntawv qhia txog ntawm qhov uas peb yuav tuaj yeem xa hluav taws xob tuaj rau lub microgrid yam nyab xeeb li cas. Cov neeg siv hluav taws xob yuav pom tias raug tua hluav taws xob qee lub sij hawm uas ntev thaj tsam li ntawm plaub xuaj moos nyob rau lub sij hawm thaum tua hluav taws xob kom muaj kev nyab xeeb rau zej tsoom sawv daws, vim tias raug txiav tawm ntawm lub twj hluav taws xob uas loj dua lawm, thiab tau txuas rau lub microgrid. Cov neeg siv hluav taws xob yuav tau txais tsab ntawv ceeb toom txog ntawm cov xwm txheej thiab cov microgrid uas siv nyob rau ntawm lawv lub zej zog. Thov nco tseg tias, koj yuav hnov cov suab uas tuaj ntawm lub twj tsim hluav taws xob los sis pom lwm yam xwm txheej, yog koj nyob ze cheeb tsam ntawm lub microgrid. Lub luag hauj lwm tseem ceeb tshaj plaws ntawm PG&E yog qhov kev nyab xeeb ntawm peb cov neeg siv hluav taws xob thiab cov zej zog. Vim yog li no, kev tua hluav taws xob thiaj li tseem yog txoj hau kev xaiv thaum kawg. Nyob rau thaum uas peb ua qhov kev txhim kho peb lub luag hauj lwm kev nyab xeeb yam ceev nrooj, peb tab tom hloov pauv thiab txhim kho txhawm rau kom los txo tej xwm txheej ntawm kev tua hluav taws xob kom muaj kev nyab xeeb rau zej tsoom sawv daws uas tshwm sim rau peb cov neeg siv hluav taws xob. Yog xav paub cov ntaub ntawv qhia ntau ntxiv, mus saib hauv pge.com/microgrids.